



## Leigusamningur um lóð fyrir bátaskýli í Hafnarfirði

Hafnarfjarðarbær, kt. 590169-7579,  
leigir hér með **Símon Kjærnested Endursk ehf, Rv** kt. **620269-4769**  
lóð fyrir bátaskýli með eftirgreindum skilmálum:

### 1. Staðsetning lóðar og stærð

Lóðin er : **Lónsbraut 70**  
Landnr.: **121134**

Flatarmál lóðarinnar er **88,8** fermetrar og er lögun hennar eins og sýnt er á hjálögðu mæliblaði staðfestu af bæjarverkfræðingi dags. 03.2001 með síðari breytingum, sem er hluti þessa samnings. **Með samningi þessum fellur úr gildi lóðarleigusamningur fyrir Lónsbraut 70, dagsettur 8. janúar 2002 til sama aðila, þinglýsingarnr. X-008877/2006, 88,8 fermetra að stærð.**

### 2. Leigutími

Lóðin er leigð til **15** ára frá 1. degi mars mánaðar árið 2017.

### 3. Sérstakir skilmálar

- Óheimilt er að nota lóðina og mannvirki, er standa á henni, til annars en deiliskipulag gerir ráð fyrir, sjá 9. gr.
- Fjöldi bílastæða og staðarval skal vera í samræmi við skipulagslög, skilmála deiliskipulags og samþykkt aðaluppdrætti. Almenn bílastæði eru fyrir svæðið í heild.
- Veitustofnunum er áskilinn grafrarréttur á lóðinni vegna jarðstrengja og tengikassa og er áskilinn réttur til að leggja vatns-, frárennslis- og hitaveitulagnir um lóð hússins eftir því sem nauðsyn krefur. Heimilt er að leggja slíkar lagnir án þess að greiða bætur fyrir jarðrask eða annað, enda séð um að koma lóðinni í samt lag aftur. Allt eftirlit og viðhald með lögnum innan lóðar er heimilt án sérstaks samþykkis lóðarhafa. Sjá mæliblað vegna kvaðar um lagnir á lóð.
- Hafnarfjarðarbær áskilur sér rétt til að leggja ekki fráveitulagnir að bátaskýlunum.
- Óheimilt er með öllu að leggja fráveitulagnir út í lón og getur það varðað refsingum skv. 90. gr. laga nr. 60/2013 um náttúruvernd með síðari breytingum.
- Með öllu er óheimilt að staðsetja gáma/skúra á lóðinni, nema með samþykki byggingarfulltrúa, sbr. kafla 2.6, gr. 2.6.1 í byggingarreglugerð nr. 112/2012. Um gáma gilda reglur um stöðuleyfi í Hafnarfirði, samþykktar í bæjarstjórn Hafnarfjarðar þann 20. janúar 2016, með síðari breytingum.
- Óheimilt er að nota annað svæði en hina úthlutuðu lóð undir uppgröft úr húsgrunni, byggingarefni og annað, sem að byggingarstarfsemi lýtur. Þá er óheimilt að gera jarðrask utan eigin lóðarmarka án skriflegs leyfis byggingarfulltrúa.
- Staðsetning, fjöldi og gerð útvarps- og sjónvarpsstanga og annars þess er til lýta kann að verða utanhúss er háð samþykkt byggingarfulltrúa. Getur hann sett nánari fyrirmæli þar um.
- Ef fornleifar finnast við framkvæmdir skal fylgja fyrirmælum 2. mgr. 24. gr. laga um menningarminjar nr. 80/2012.

Lóðarhafa er að öðru leyti skylt að hlíta ákvæðum á deiliskipulagi „Suðurhöfn deiliskipulag“ vegna bátaskýla við Hvaleyrarlón, sem öðlaðist gildi þann 24. júlí 2013 með síðari breytingum um mannvirki á lóðinni og um frágang lóðar.

#### 4. Tímamörk byggingar og frágangs lóðar

Ef frekari viðbyggingar eða stækkanir verða leyfðar á lóðinni, mun byggingarfulltrúi setja tímaskilmála vegna framkvæmda við samþykkt á byggingaráformum.

Þegar mannvirki er tekið í notkun skal gerð úttekt á öryggi þess og hollustuháttum. Óheimilt er að flytja inn í mannvirki eða taka það í notkun nema gefið hafi verið út vottorð um öryggisúttekt.

Fokheldis- og lokaúttektarvottorð verður ekki gefið út fyrr en gengið hefur verið frá mannvirki og lóð á fullnægjandi hátt í samræmi við staðal ÍST 51 og samþykktu aðaluppdrætti.

Lóðarhafa er skylt að valda ekki eigendum næstliggjandi mannvirkja tjóni með óhæfilegum drætti á byggingarframkvæmdum.

Verði ofangreind tímamörk ekki virt getur byggingarfulltrúi og mannvirkjastofnun beitt ákvæðum 56. gr. laga um mannvirki nr. 160/2010, um dagsektir og framkvæmdir á kostnað lóðarhafa. Dagsektir má innheimta með fjárnámi og hefur sveitarfélagið lögveð fyrir kröfu sinni í hinu ófullgerða mannvirki, byggingarefni og lóð sem um ræðir.

#### 5. Lóðarfrágangur

Lóðarhafa er skylt að fara eftir hæðar- og mæliblöðum um hæð lóðar við götu eða stíg og ákvæðum deiliskipulags um girðingar. Ef hæðarmunur er milli götu/stígs skal lóðarhafi gera stoðmúr eða fláa að lóðarmörkum áður en endanlega er gengið frá götunni og gangstígnum. Samráð skal hafa við nágretta um frágang á sameiginlegum lóðarmörkum.

Lóðarhafi skal ganga frá lóð sinni meðfram bæjarlandi og sjá sjálfur um framkvæmdir þ.m.t. jarðfláa, stoðveggi og girðingar. Óheimilt er að reisa girðingar á lóðarmörkum sem snúa að óhreyfðu landi án samþykkis byggingarfulltrúa. Um girðingar gilda að öðru leyti fyrirmæli byggingarreglugerðar greina 2.3.5 f lið og 7.2.3 og 26. gr. laga um náttúruvernd nr. 60/2013 .

Við frágang á lóðum skal taka tillit til nærliggjandi lóða. Lóðarhafa er skylt að ganga að fullu frá lóð samkvæmt samþykktum uppdrætti.

#### 6. Nýting lóðar og skyldur lóðarhafa

Rík áhersla verður lögð á snyrtilegan frágang mannvirkja og lóða. Lóðarhafa ber að uppfylla ákvæði laga og reglugerða, er snerta þá starfsemi sem fram fer á lóðinni. Þar undir fellur m.a. öflun starfsleyfis og sú upplýsingaskylda sem því fylgir. Starfsleyfi heilbrigðiseftirlits Hafnarfjarðar og Kópavogssvæðis leysir lóðarhafa ekki undan neinum almennum reglum er nú gilda, eða settar kunna að verða af heilbrigðiseftirlitinu um mengunarvarnir og umgengi á lóð og umhverfi.

#### 7. Leigugjald, skattar og önnur opinber gjöld

Ársleiga lóðar er samkvæmt ákvörðun bæjarstjórnar Hafnarfjarðar á hverjum tíma og er við undirritun samnings **1,30%** af fasteignamati lóðar. Leiguna skal greiða með fasteignagjöldum ár hvert. Um innheimtu og gjalddaga leigunnar fer eftir þeim reglum sem gilda um innheimtu fasteignagjalda í Hafnarfjarðarbæ, sbr. 2. mgr. 2. gr. laga um tekjustofna sveitarfélaga, nr. 4/1995, með síðari breytingum.

Lóðarhafi greiðir alla skatta og gjöld til opinberra þarfa, sem lögð eru á hina leigðu lóð eða verða lögð á hana.

Aðför má gera í húsum og mannvirkjum á lóðinni til fullnustu fasteignagjöldum, lóðarleigu, opinberum gjöldum, sköttum, vöxtum og dráttarvöxtum samkvæmt lögum nr. 90/1989 um aðför.

#### 8. Breyting á lóðaruppdrætti

Nú reynast lóðarmörk, í raun, ekki í fullu samræmi við gildandi lóðarleigusamning, þannig að gera þurfi breytingar á mörkum og lóðarstærð allt að 10% frá því sem í samningi stendur, skal þá veita lóðarhafa athugasemdafrest áður en Hafnarfjarðarbær þinglýsir einhliða nýjum lóðaruppdrætti með breytti lóðarstærð.

#### 9. Framsal lóðarréttinda og réttur veðhafa og kvaðir

Lóðarhafar hafa **fulla veðheimild** og yfirráð fyrir lóð og framkvæmdum.

*Hvaleyrarlón er á náttúruminjaskrá, sem þýðir að svæðið fellur undir lög um náttúruvernd.*

*Aðalstarfsemi á svæðinu er hafnsækin á frístundatengdan máta. Búseta í bátaskýlum er með öllu óheimil.*

#### 10. Lok leigusamnings

Vilji Hafnarfjarðarbær ekki, að loknum leigutímanum, endurnýja lóðarleigusamning með tilheyrandi mannvirkjum skal Hafnarfjarðarbær greiða leigutaka sannvirði mannvirkis eða mannvirkja eftir mati dómkvaddra manna, enda sé við matið tekið fullt tillit til raunverulegs ástands mannvirkja. Brjótí lóðarhafar í einhverju ákvæði þessa samnings, er Hafnarfjarðarbæ heimilt að segja upp lóðarleigusamningi. Skal Hafnarfjarðarbær þá greiða lóðarhöfum sannvirði mannvirkis eftir mati dómkvaddra manna, enda sé við matið tekið fullt tillit til raunverulegs ástands mannvirkjanna. Hafnarfjarðarbær beiðist dómkvaðningar en lóðarhafar greiða matskostnað.

#### 11. Afnot þriðja aðila

Lóðarhöfum er óheimilt að leyfa öðrum einstaklingum, stofnunum eða félögum að reisa byggingar á lóðinni, flytja á hana hús eða gera önnur mannvirki á henni nema með samþykki Hafnarfjarðarbæjar. Þeim er enn fremur óheimilt að framselja eða láta af hendi á annan hátt til einstaklinga, stofnana eða félaga hluta af lóðinni.

#### 12. Annað

Að öðru leyti er vísað til skilmála vegna deiliskipulags „Suðurhöfn deiliskipulag“ vegna bátaskýla við Hvaleyrarlón, sem öðlaðist gildi þann 24. júlí 2013 með síðari breytingum ásamt hæðar- og mæliblöðum.

#### 13. Ágreiningur

Ef ágreiningur rís vegna samnings þessa skal málið rekið fyrir Héraðsdómi Reykjaness.

#### 14. Þinglestur

Lóðarhafi greiðir kostnað við þinglestur á samningi þessum og stimpilgjald.

Af lóðarleigusamningi þessum eru gerð þrjú samhljóða frumrit, eitt handa hvorum aðila og eitt til þinglesturs.

Hafnarfjörður, xx. apríl 2017

f.h. Hafnarfjarðarbæjar

Við undirritaðir lóðarhafar höfum kynnt okkur og samþykkjum framanskráða leiguskilmála, greinargerð og skipulagsskilmála og skuldbindum okkur til að halda þá í öllum atriðum.

Samþykki kaupanda skv.  
kaupsamningi dags.

Vitundarvottar að rétttri dagsetningu og undirskrift og fjárræði aðila:

\_\_\_\_\_ kt. \_\_\_\_\_

\_\_\_\_\_ kt. \_\_\_\_\_

101

HVALEYRARLÖN




SKYRINGAR:  
BYGGINGARETLUR  
ÚTLINUR BYGGINGA

BREYTINGAR:  
LÖNSBRAUT 20-72  
LÖNSBRAUT 20-72

- F FLATARMÁL LÖÐAR
- 7 NÚMÉR LÖÐAR
- HORNÞUNKTAR LÖÐA
- DÖÐSFRÁRNÚMÉR
- LANDNÚMÉR

23/2711 STAÐGREININGUR AÐLIGSJANDI LÖÐARLADA

	TEIKNING NR.:	121.04.6	DAGS-NAFN:	YFRIF.:	BREYTINGAR:
	MÁLUBLAÐ	Máli:	02.01.12	Dags:	Skýringar:
	Fréttir:	03.01.12			
LÖNSBRAUT 20-72			MÁLBOÐI:		
BÁTASVIL VIB HVALEYRARLÖN					
			1500		